

重刊城固縣志

卷之一 輿地  
卷之二 建置

地  
170.211  
329  
11-11  
卷二



光緒四年重鑄

署城固縣事西鄉縣知縣雲間王穆重修  
補用直隸州知州署城固縣知縣江左徐德懷重刊

重

鑄

城

固

縣

誌

板

藏

公

署

序

國有史郡邑有志足以紀  
淳澆而示勸戒始可傳信  
而無疑歷城王太宗伯阮  
亭先生嘗論自明及今志

序

一

郡邑者夥矣無有如康對  
山王漢陂呂涇野之志武  
功鄠縣高陵以爲文簡事  
該訓辭爾雅有三輔黃圖  
決錄遺意蓋之數公者以



秦人而志秦地得稱獨善  
焉雖然必如宗伯之言苟  
非其地非其人則不可以  
作志歟顧著書立說亦極  
難矣卽如左失之誇史失

序

二

之誕兩漢失之漫衍降而  
新舊唐書失之鮮實後人  
之訾議如此此而欲成一  
書以冀傳信而不疑是非  
學之博識之高又極之耳

目所閱歷者詳且切遠且  
大固不可漫焉從事也余  
大江以南人也少而好遊  
所歷之地近則兩浙江右  
遠則燕趙齊魯楚豫及雲

序

三

中紫塞舟車所過無不流  
覽山川古蹟人物土風筆  
記其槩藏之篋中或遇水  
亭山驛與二三良友登臨  
感懷形之歌咏以抒寫性

情亦旣脫藁成帙獨未至  
峭函雲棧以爲憾事壬辰  
歲謁選都門得漢屬之西  
鄉因捧檄入關於山則太  
華之標峙雲端也於水則

序

四

涇渭之環遶秦塞也於省  
會則風土之渾厚而民物  
之殷阜也望邠岐而思文  
王之治過咸陽而歎祖龍  
雄視一世未幾而秦之虛

爲漢高所得何其愚也憑  
弔馬嵬而有感於美人黃  
土之思嗟乎古今治亂興  
亡歷歷如指掌歟及入棧  
層巒疊嶂靈秀甲於天下

序

五

然奇險逼仄處下視千尺  
怒濤嚙石石銳如鋒令人  
不寒而栗立馬雞頭南望  
漢中平原沃野綿亘數百  
里其間土腴人良水木清

華顏似江南風景回顧羊  
腸鳥道恍入武陵桃源別  
一天地矣較之余治西鄉  
地瘠民貧相懸奚啻霄壤  
哉乙未冬同寅何君調赴

序

六

軍前余奉檄代庖城固謁  
文廟廟簷傾圮余重爲修  
葺加之塗堊聖翁覺改觀惟  
廟前地氣不聚因就舊址  
捐俸重建一坊以束之仍

其額爲覺宮正路丁酉鄉  
試遽得和子名惟慧李子  
名倬聯魁獲雋雖其文章  
福命所致而地師家則以  
爲此坊所萃也先是城之

序

七

紳士以邑無志書請余纂  
輯但纂輯必資文獻而縉  
紳先生皆宦遊四方無從  
博採况舊志係明嘉靖四  
十五年邑人胡璉草創所

存不過四十餘紙其殘缺  
可知及考之郡志亦略而  
未備省志則更簡矣余爲  
蒐羅討論始於丙申之春  
至丁酉十月告成相厥川

序

八

原乃立城署故首輿地而  
建置次之天視民視理有  
固然故風俗之後及於災  
祥蓄洩無備旱潦洊臻則  
田卒汙萊維正奚供故因

食貨而繼以水利設官分  
職教養斯民者也忠孝節  
義興起斯民者也故官守  
次之節孝又次之如是而  
太史采風一邑之人文盛

序

九

衰升降係焉故終之以藝  
文凡計十卷事亦分十類  
得九萬餘言余雖好遊而  
學識踈庸見聞淺陋豈能  
如宗伯所言可與武功諸

志竝驅哉聊以應都人士  
之請而略爲編次其餘挂  
漏不能無望於後之君子  
焉是爲序 肯

康熙五十六年歲次丁酉

序

十

十月中澣之望日

文林郎署城固縣印知西

鄉縣事雲間王穆撰



序

從來作吏莫難於縣令蓋  
百里之中錢穀簿書爲事  
至夥雖以強幹敏達之材  
奉職兢兢戴星而理猶或

逢序

一

日不暇給有能循分安常  
苟幸無過者便可以稱循  
良而膺上考求其寄興文  
辭留心紀載爲地方垂久  
遠之文獻者百不得一焉

至若當秦蜀交會之區往來酬應手口卒瘁而又身爲代庖之吏其於邑事宜若可以視同傳舍者而乃于從前未有之志乘搜羅

逢序

二

詳備校刻成書爲凋敝巖疆大開生面則非負過人之才力而操整暇之別趣者不足以幾于此矣王子靜淵以雲間名彥作令西

鄉更被檄攝理城固篆務  
數年以來經營民事籌畫  
軍需一切出之裕如而退  
食餘閒不廢觴詠余觀其  
所纂城邑新志抑何彬彬

逢序

三

乎妙什佳篇垂光竹素也  
古云仕而優則學王子之  
學如是王子之優於仕可  
知矣報最  
彤廷而來不次之擢余將


拭目俟之

賜進士出身翰林院檢討  
欽差提督陝西通省學政  
充方畧館一統志館提  
調官乙酉科

逢序

四

欽差廣東鄉試正主考前  
翰林院漢書庶吉士加  
三級覺羅逢泰撰



重刊城固縣志序

邑之有志猶國之有史非徒志山川草木城郭橋梁已也其有關於風俗人心大矣哉余曩因西征籌餉之役來遊樂城下車之初即於邑令周君煦生索觀序

一

邑志周君曰予蒞任數月於茲未曾一廝目焉詢諸邑之紳耆僉謂舊板毀於兵燹久矣城鄉鮮有藏是書者既而從學官媿君齋中得之乃康熙末年所修興是役者爲王大令穆循吏也